

Møteprotokoll

Utval: **Folgefonna nasjonalparkstyre**
Møtestad: Epost-handsaming
Dato: 28.03.2019

Følgjande faste medlemmar møtte:

Namn	Funksjon	Representerer
Jon Larsgard	Leiar	Jondal kommune
Siri Klokkestuen	Nestleiar	Etne kommune
Leif Sverre Enes	Medlem	Kvinnherad kommune
Roald Aga Haug	Medlem	Odda kommune
Solfrid Borge	Medlem	Ullensvang herad
Benthe Bondhus	Medlem	Hordaland fylkeskommune

Merknadar

Frå administrasjonen møtte:

Namn	Stilling
------	----------

Underskrift:

Vi stadfestar med underskriftene våre at det som er ført på dei sidene vi har signert i møteboka, er i samsvar med det som vart vedteke på møtet.

Saksliste

Utvals- saksnr	Innhald	Lukka	Arkiv- saksnr
ST 9/19	Godkjenning av innkalling og dagsorden		
ST 10/19	Val av styremedlem til å skrive under protokollen		
ST 11/19	Uttale til høyring av Regionalt Miljøprogram i landbruket i Vestland fylke - Folgefonna nasjonalparkstyre 2019		2019/4171
ST 12/19	Folgefonna nasjonalpark - Søknad om å fly med drone for å filme til Rosendal toppturfestival Gygrastol og Omnatind - Rosendal Event		2019/7365

ST 9/19 Godkjenning av innkalling og dagsorden

Saksprotokoll i Folgefonna nasjonalparkstyre - 28.03.2019

Vedtak

ST 10/19 Val av styremedlem til å skrive under protokollen

Saksprotokoll i Folgefonna nasjonalparkstyre - 28.03.2019

Vedtak

Leif Sverre Enes vart valt til å skriva under protokoll saman med styreleiar. Protokollen vert elektronisk godkjent.

ST 11/19 Uttale til høyring av Regionalt Miljøprogram i landbruket i Vestland fylke - Folgefonna nasjonalparkstyre 2019

Saksprotokoll i Folgefonna nasjonalparkstyre - 28.03.2019

Handsaming i møte

Framlegg frå forvaltar vart samrøystes vedteke.

Vedtak

Folgefonna nasjonalparkstyre viser til høyring av forskrift for regionale miljøtilskot i jordbruket (RMP) i Vestland som Fylkesmannen i Vestland har lagt ut på si heimeside med høyringsfrist 1. april.

I tidlegare forskrift for RMP i Sogn og Fjordane fylke har det vore tilskot til beitedyr i verneområde. Dette har vore ei god ordning som stimulerte til å ha beitedyr i verneområda der. I verneområde der verneføremålet er å ta vare på kulturlandskap med beitelandskap, er beiting med husdyr det viktigaste tiltaket for å ta vare på verneverdiane. Utan beitedyr vil landskapet gro att, og det biologiske mangfaldet vert redusert. I Regionalt miljøprogram for Vestland 2019-2022 står det fylgjande; «Eit aktivt og berekraftig landbruk, særskilt husdyrbruk, er den beste måten å ta vare på og oppretthalde kulturlandskapet og dei verdiane som ligg i eller er knytte til dette landskapet».

Å ta vare på og oppretthalde kulturlandskapet i verneområde med kulturlandskap som verneføremål er eit nasjonalt ansvar. Verneområdestyret vil peike på at å stimulere til husdyrbeite i desse områda der forholda ligg til rette for det, er heilt avgjerande for å ta vare på desse verdifulle kulturlandskapsområda. I Folgefonna nasjonalpark og landskapsvernområda rundt er det fleire stader behov for eit høgare beitetrykk for å hindre attgroing av støsvollar og viktige beitemarker.

I framlegg til ny forskrift kan det søkjast om tilskot til drift av beitelag. Dette er ei god ordning, men krev at det er minst to medlemmer i beitelaget. I fleire område er det i dag berre ein gardbrukar med beitedyr i verneområdet. Det er ekstra viktig at denne eine gardbrukaren framleis slepp beitedyra i desse områda, og ein ynskjer å stimulere til at fleire grunneigarar skal kunne gjere det same sjølv om dei ikkje er organisert i eit lag. Det har stor verdi både for verneverdiane og for å nytta dei verdifulle utmarksressursane. I tillegg har verneområda med natur- og kulturlandskapet stor opplevingsverdi, og er viktig for reiselivsnæringa. Aktiv landbruksdrift med beitedyr er den beste måten å formidle det historiske landskapet på til fastbuande og besøkjande.

Verneområdestyret vil rå til at ordninga med tilskot, slik det har vore i Sogn og Fjordane fylke, per dyr slept på beite i verneområde vert vidareført i RMP i Vestland, men med klare krav til kva område tilskotet gjeld for. Det bør vere krav om at tilskot til beitedyr i verneområde skal gå til verneområde med kultur - og beitelandskap som verneføremål. Denne ordninga bør komme i tillegg til tilskot til drift av beitelag.

ST 12/19 Folgefonna nasjonalpark - Søknad om å fly med drone for å filme til Rosendal toppurfestival Gygrastol og Omnatind - Rosendal Event

Saksprotokoll i Folgefonna nasjonalparkstyre - 28.03.2019

Handsaming i møte

Framlegg frå forvaltar vart samrøystes vedteke.

Vedtak

Med heimel i *Forskrift om vern av Folgefonna nasjonalpark* og naturmangfaldlova § 48 gjev Folgefonna nasjonalparkstyre Rosendal Event løyve til bruk av drone til å filme i Folgefonna nasjonalpark.

For løyvet gjeld følgjande vilkår:

- Løyvet gjeld 04. – 07. april 2019.
- Løyvet gjeld for inn til 30 minuttar flytid på kvar lokalitet.
- Løyvet gjeld innafor Folgefonna nasjonalpark på strekninga Ænes-Gygratolen og strekninga Myrdal-Omnatind
- Dronepilot må gjere seg kjent med vernereglane
- Om rovfugl eller ramn vert observert ved fying skal ein straks avbryte filminga
- Ved publisering av filmmateriale må det komme klart fram at søkjar har fått løyve til å filme frå Folgefonna nasjonalparkstyre.
- Før filming skal Statens naturoppsyn ved Olaf Bratland varslast, anten på e-post olaf.bratland@miljodir.no eller på tlf: **970 23 013**
- Rapport over utført fying skal sendast til fmvlpost@fylkesmannen.no. Referanse 2019/7365.